

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 55. Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 78. sjednici, održanoj 25.04.2025. godine, d o n o s i

O D L U K U

o uvećanju sredstava u Budžetu Zeničko-dobojskog kantona za 2025. godinu

Član 1.

(Predmet)

(1) Odobrava se uvećanje sredstava u Budžetu Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24) za budžetskog korisnika iz nadležnosti Ministarstva za obrazovanje, nauku, kulturu i sport – JU Srednja škola za stručno obrazovanje i radno osposobljavanje Zenica.

(2) Uvećanje sredstava u Budžetu Zeničko-dobojskog kantona za 2025. godinu, vrši se na slijedeći način:

- a) na razdjelu 22, budžetska organizacija 03, potrošačka jedinica 0022 – JU Srednja škola za stručno obrazovanje i radno osposobljavanje Zenica, sredstva na poziciji 613900 (MCC 902) – Ostale ugovorene usluge, Izdaci iz donacija - izvor 40, uvećavaju se za 200,00 KM;
- b) na razdjelu 22, budžetska organizacija 03, potrošačka jedinica 0022 – JU Srednja škola za stručno obrazovanje i radno osposobljavanje Zenica, sredstva na poziciji 821300 – Nabavka opreme, Izdaci iz donacija - izvor 40, uvećavaju se za 300,00 KM;
- c) u Budžetu Zeničko-dobojskog kantona za 2025. godinu u dijelu A. PRIHODI u koloni Plan 2025. godina, sredstva na poziciji 722751 – Primljene namjenske donacije neplanirane u budžetu, uvećavaju se za 500,00 KM.

Član 2.

(Namjena korištenja sredstava i izvještavanje)

(1) Uplaćena sredstva od strane donatora HM Cement BiH d.d. Kakanj, škola će utrošiti za organizaciju proljetnog izleta i nabavku opreme.

(2) Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Član 3.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-8650/25

Datum, 25.04.2025. godine

Zenica

PREMIJER

po ovlaštenju

Dženana Čišija

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.